



Broj: 01/01-368-4/13-2025
Sarajevo, 07.07.2025. godine

Na osnovu člana 2. stav (1) tačka 1) pod 2) i člana 69. stav (2) tačka d), člana 70. stav (1), (4) i (6) Zakona o javnim nabavkama („Sl. glasnik BiH“, broj 39/14, 59/22 i 50/24), na preporuku Komisije za javnu nabavku, broj: 01/01-368-3/13-2025 od 02.07.2025. godine u otvorenom postupku nabavke robe – **Hemikalije – LOT 8 – Hemikalije za mikrobiologiju**, Dekan Univerziteta u Sarajevu - Prirodno-matematički fakultet je donio

ODLUKU

o poništenju postupka javne nabavke

Član 1.

Poništava se postupak javne nabavke roba: **Hemikalije – LOT 8 – Hemikalije za mikrobiologiju**, objavljen dana 04.06.2025. godine na Portalu javnih nabavki pod brojem: 29340-1-1-31-3-32/25 iz razloga što nijedna od primljenih ponuda nije prihvatljiva, odnosno jedini ponuđač koji je dostavio ponudu nije dostavio potvrdu izdatu od strane banke, koja je u skladu sa zahtjevom iz tenderske dokumentacije, odnosno potvrdu banke u kojoj je otvoren „Glavni račun“ sa naznakom da navedeni račun ponuđača predstavlja glavni račun. (član 69. stav (2) tačka d) Zakona o javnim nabavkama BiH).

Član 2.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 3.

Ova Odluka stupa na snagu danom donošenja.

Obrazloženje

Na osnovu Odluke o pokretanju postupka javne nabavke broj: 01/01-368/3-2025 od 04.06.2025. godine, Univerziteta u Sarajevu - Prirodno-matematički fakultet je pokrenuo otvoreni postupak za dostavljanje ponuda za javnu nabavku roba: **Hemikalije – LOT 8 – Hemikalije za mikrobiologiju**.

Za provođenje postupka predmetne javne nabavke, Odlukom broj: 01/01-368/4-2025 od 04.06.2025. godine imenovana je Komisija za provođenje postupka javne nabavke.

Obavještenje o nabavci broj: 29340-1-1-31-3-32/25 objavljeno je na Portalu javnih nabavki dana 04.06.2025. godine.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 25.06.2025. godine, tendersku dokumentaciju preuzeli slijedeći potencijalni ponuđači: INSTRUMENTS, EKAPIJA DOO, BBS EUROPE, ELTA 90 MB D.O.O., INNOVI DOO, KEFO D.O.O. ISTOČNO SARAJEVO, SINEKS LABORATORIJA D.O.O. BANJA LUKA, ANALITIKA D.O.O. SARAJEVO, SEMIKEM D.O.O. SARAJEVO, MIKRO+POLO D.O.O., PROIZVODNJA I TRGOVINA

„PHARMAMED“ D.O.O. TRAVNIK, MPS LAB D.O.O., HELIA, AB MEDIC D.O.O, BERG DOO i BOSNA-VET DOO.

Iz *Izveštaja o pitanjima i odgovorima* u periodu koji je ostavljen za dostavljanje ponuda, vidljivo je da nije bilo upita niti njeasnoća u vezi TD.

Iz *Zapisnika o otvaranju ponuda* vidljivo je da je Komisija za javne nabavke dana 25.06.2025. godine sa početkom u 10:30 sati po redoslijedu zaprimanja izvršila javno otvaranje blagovremeno prispjelih ponuda slijedećeg ponuđača

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	„Bosna-Vet“ d.o.o. Zenica	Da	01/01-368-1/13-2025	24.06.2025. u 09:50h

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda dana, 25.06.2025. godine prosljeđen elektronskim putem (E-mail-om) ponuđačima koji su blagovremeno dostavili ponudu.

Komisija za javne nabavke sastala se 25.06.2025. godine sa početkom u 10:30 sati, radi pregleda i ocjene ponuda, odnosno da bi utvrdila da li su ponuđači ispunili uslove koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponudu u skladu sa zahtjevima iz Tenderske dokumentacije i da li su kvalifikovani za nabavku predmetne robe.

Nakon pregleda i ocjene ponude, Komisija za provođenje postupka nabavke je **u skladu sa članom 2. stav (1) tačka l) pod 2) Zakona o javnim nabavkama** („Sl. glasnik BiH“, broj: 39/14, 59/22 i 50/24), ocjenila da je ponuda ponuđača **BOSNA -VET d.o.o. Zenica za HEMIKALIJE, LOT 8-Hemikalije za mikrobiologiju neprihvatljiva.**

U tenderskoj dokumentaciji pod tačkom 7.1. u svrhu dokazivanja prava na obavljanje ekonomsko-finansijske sposobnosti, u skladu sa članom 47. Zakona o javnim nabavkama, ponuđač je dužan dostaviti:

U svrhu dokazivanja prava na obavljanje ekonomsko-finansijske sposobnosti, u skladu sa članom 47. Zakona o javnim nabavkama, ponuđač je dužan dostaviti:

- ✓ izjavu u pogledu ekonomsko-finansijske sposobnosti, koja je popunjena u skladu sa uslovima definisanim u tenderskoj dokumentaciji;
- ✓ ponuđač je dužan dostaviti potvrdu izdatu od strane banke u kojoj je otvoren „Glavni račun“ sa naznakom od strane banke da navedeni račun ponuđača predstavlja glavni račun, te da isti nije bio blokiran u zadnjih 12 (dvanaest) mjeseci od datuma izdavanja potvrde. Datum izdavanja potvrde ne smije biti stariji od 3 (tri) mjeseca računajući od dana dostavljanja ponude.

U slučaju da se u ponudi ne dostave traženi dokumenti propisani tenderskom dokumentacijom ili se ne dostave na način kako je naprijed traženo, ponuđač će biti isključen iz daljeg učešća zbog neispunjavanja navedenih uslova za kvalifikaciju, te će se njegova ponuda smatrati neprihvatljivom.

Ponuđač BOSNA – VET D.O.O. ZENICA je u ponudi dostavio potvrdu Intesa Sanpaolo banke u kojoj se vodi račun za koji se ne vidi da je „glavni“ račun, odnosno iz potvrde nije vidljivo da li se radi o „Glavnom računu“, što je traženo tenderskom dokumentacijom.

S obzirom da ponuđač nije dostavio potvrdu u skladu sa zahtjevom iz tenderske dokumentacije, ponuda nije uzeta u dalje razmatranje.

Iz gore navedenog razloga, primjenom člana 69. stav (2) tačka d) Zakona o javnim nabavkama BiH, prihvaćena je preporuka Komisije i odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od pet (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Akt obradila: Adna Šišić, MA prava.



DEKAN FAKULTETA



Prof. dr Nusret Drešković

Dostaviti:

- Dosije nabavki
- Web stranica
- a/a